

Bosna i Hercegovina
Federacija Bosne i Hercegovine
Parlament Federacije BiH

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 15-05-2025			
Org. jed.	Broj	Priloga	Vrijednost
01,02	- 02-	1106	125

PREDSTAVNIČKI DOM

n/r predsjedavajućeg Dragana Miokovića

Stručna služba Predstavničkog doma Parlamenta Federacije BiH
n/r sekretara Ivana Miličevića

DOM NARODA

n/r predsjedavajućeg Tomislava Martinovića

Stručna služba Doma naroda Parlamenta Federacije BiH
n/r v.d. sekretarke Aide Hadžić-Salkić

Predmet: Nacrt Zakona o dopuni Zakona o privrednim društvima

U skladu sa članom 163. Poslovnika Predstavničkog doma Parlamenta Federacije BiH („Službene novine Federacije BiH, broj: 69/07, 02/08, 26/20 i 13/24) i članom 155. Poslovnika o radu Doma naroda Parlamenta Federacije BiH („Službene novine Federacije BiH", br. 27/03, 21/09 i 24/20), kao ovlašteni predlagači, dostavljamo Nacrt Zakona o dopuni Zakona o privrednim društvima („Službene novine Federacije BiH", br. 81/15 i 75/21), radi razmatranja i usvajanja u Parlamentu Federacije BiH. Zakon dostavljamo u formi Nacrta koji bi se razmatrao po redovnoj proceduri, jer prilikom razmatranja ovog Nacrta u skladu s članom 34. Zakona o principima lokalne samouprave u Federaciji Bosne i Hercegovine potrebno je pribaviti mišljenje Saveza općina i gradova Federacije BiH.

S poštovanjem,

Zastupnici Predstavničkog doma:

Amir Purić *Purić*
Admir Čavalić *Čavalić*
Slaven Raguž *RAGUŽ SLAVEN*

Delegati Doma naroda:

Amra Babić
Jelena Pekić
Oliver Soldo

Babić
Pekić
Soldo

NACRT

ZAKONA O DOPUNI ZAKONA O PRIVREDNIM DRUŠTVIMA

Sarajevo, april 2025. godine

ZAKON O DOPUNI ZAKONA O PRIVREDNIM DRUŠTVIMA

Član 1.

U Zakonu o privrednim društvima („Službene novine FBiH", br. 81/15 i 75/21) u članu 11. iza stava (2) dodaje se novi stav (3) koji glasi:

„Nije dozvoljeno naplaćivanje takse na istaknutu firmu.“

Član 2.

Ovaj zakon stupa na snagu osmog dana od dana objave u „Službenim novinama Federacije Bosne i Hercegovine“, a počinje se primjenjivati dvije godine od dana stupanja na snagu ovog zakona.

OBRAZLOŽENJE NACRTA ZAKONA O DOPUNI ZAKONA O PRIVREDNIM DRUŠTVIMA

I – USTAVNI OSNOV

Ustavni osnov za donošenje ovog Zakona sadržan je u Poglavlju IV.A.7.20. (1) d) Ustava Federacije Bosne i Hercegovine kojim je propisano da je Parlament Federacije Bosne i Hercegovine mjerodavan za donošenje Zakona o vršenju funkcija federalne vlasti.

II – RAZLOZI ZA DONOŠENJE ZAKONA

Trenutno u Federaciji BiH postoji određena vrsta anarhije kada je u pitanju naplata takse na istaknutu firmu. Naime, kantoni i općine/gradovi na osnovu zakona/odluka normiraju ovo pitanje, svaka na svoj način i tako dovode do pravne nesigurnosti u ovom pogledu, jer se taksa na istaknutu firmu različito regulišu od kantona do kantona ili od općine do općine. Svrha ove dopune Zakona je da se ovo pitanje naplaćivanja takse na istaknutu firmu ujednači kako bi se postigla pravna sigurnost po ovom pitanju. Ovo je jedan i od zahtjeva Evropske Unije – postizanje jedinstvenog ekonomskog prostora – gdje će postojati koliko-toliko ujednačena pravila u pogledu poslovnih subjekata i potrošača.

Do sada su kantoni i lokalne vlasti koristile nereguliranost ove materije i od poslovnih subjekata naplaćivali komunalnu taksu na istaknutu firmu. Ova taksa je bila predmetom i pred Ustavnim sudom Bosne i Hercegovine (U-11/23) gdje je Ustavni sud BiH odlučio da koncept komunalne takse na istaknutu firmu nije u skladu sa Ustavom BiH, jer na neproporcionalan način se miješa u imovinu poslovnih subjekata. Obzirom na to da plaćanjem takse na istaknutu firmu poslovni subjekt ne dobija nikakvu uslugu od državnih organa, ona se ne može smatrati ni taksom, a s obzirom na to da se ne obračunava na osnovu prihoda niti dohotka, ona se ne može smatrati porezom (paras. 37 i 38). Bitno je naglasiti da u ovom predmetu pred Ustavnim sudom Bosne i Hercegovine – komunalna taksa na istaknutu firmu je testirana kao koncept tako da ova Odluka Ustavnog suda važi za sve nivoe vlasti. Drugim riječima, u skladu s ovom Odlukom, svi nivoi vlasti u Bosni i Hercegovini su dužni prestati naplaćivati komunalnu taksu na istaknutu firmu. Zbog svega navedenog, predlažemo dopunu ovog Zakona, kojom bi se uvela pravna sigurnost u ovu oblast, a samim time bi se i implementirala presuda Ustavnog suda BiH, jer na osnovu ove odredbe, federalnim, kantonalnim i lokalnim vlastima bi u buduću bilo zabranjeno naplaćivanje ove takse. Zakoni i odluke kantonalnih i lokalnih nivoa koji regulišu plaćanje ove takse bi se morali uskladiti sa novom odredbom ovog Zakona.

III – OBRAZLOŽENJE PREDLOŽENIH MJERA

Članom 1. Nacrta Zakona bi se zabranilo naplaćivanja komunalne takse na istaknutu firmu u Federaciji BiH što bi dovelo do implementacije navedene presude Ustavnog suda BiH broj U-11/23.

Članom 2. Zakona reguliše se stupanje na snagu ovog Zakona, odnosno početak primjene. Ovaj rok od dvije godine je ostavljen kao vrijeme prilagodbe općinama jer je taksa na istaknutu firmu prihod općinskih Budžeta.

IV – FINANSIJSKA SREDSTVA

Za provedbu ovoga Zakona neće biti potrebna dodatna finansijska sredstva iz Budžeta Federacije Bosne i Hercegovine.

ODREDBA ZAKONA O PRIVREDNIM DRUŠTVIMA KOJA SE DOPUNJUJE

**Član 11.
(Pojam)**

- (1) Firma je ime pod kojim društvo posluje.
- (2) Firma se obavezno ističe na poslovnim prostorijama društva.